

totius Concilii Consiliiqve Apostolici scopus ex tota serie
actuatorum elucescit. Ut enim nolebant imitari gentes &
a suscipiendo christianismo alienari impositione jugi, cui
impares Judæi fuerant, licet multi ex illis imbecilles hæc-
tenus fide a suscipienda circumcissione non abhorrent; ita
nolebant scandalizari e judæis conversos cæremoniis gen-
tium in idoleo præsertim usitatis. Hæc igitur vocantur
necessaria, ut omisso circumcissionis habebatur necessaria,
non absolute, ut in plantanda Ecclesia propter imbecilles,
qui in utramqve partem argumenta inde poterant refugium
ad pristina arcessere, tacita tantisper pleniori informatione,
qua urgentibus necessitatem circumcissionis periculum sa-
lutis ostendebatur; *Christo excidisse Gal. V, 2, 3, 4.* & ciborum
delectum perpetuum secundum judæorum consuetudi-
nem profitentibus libertatis Christianæ sacrum pandeba-
tur, mundis omnia esse munda, nil per preces sanctificatum
inquinare hominem posse, *locis supra citatis.* Nil itaque
verba pro necessitate absoluta quicquam importare plenis-
sime intelligi posse autumo. Quod enim ad tempus habe-
tur necessarium, id tale, tempore mutato, non potest per-
petuo haberi. *Augustini* locum supra tactum, contra Fau-
stum Manichæum, transcribemus, ut quæ in nostris deesse
videbuntur inde suppleantur. *Etsi hoc, inquit, tunc Apostoli
præceperant, ut ab animalium sanguine abstinerent Christiani, ne
præfocatis carnibus vescerentur; elegisse mihi videntur pro tempo-
re rem facilem, & nequaquam observantibus onerosam, in qua cum
Israëlitis etiam gentes propter angularem illum lapidem duos pa-
rietes in se condentem aliquid communiter observarent; simul &
admonerentur in ipsa arca Noë, quando DEVS hoc jussit, Ecclesi-
am omnium gentium fuisse præfiguratam; cujus facti prophetia
jam Gentibus ad fidem accedentibus, incipiebat impleri. Tum
sancto vero illo tempore, quo illi duo parietes, unus ex circumcissio-
ne, alter ex præputio venientes, quamvis in angulari lapide con-
cordarent, tamen suis quibusdam proprietatibus distinctius emi-
nebant. At ubi Ecclesia Gentium talis effecta est, ut in ea nullus
Israëlita carnalis appareat, quis jam hoc Christianus observat &c.*

Obstat